

趙恭毅公自治官書類集



武進趙恭毅公自治官書序

人臣之事君也隨所歷而皆各  
有其當盡之職不盡其咎也盡  
剔其分也詎以其所當盡者而

異人之艷而譴之哉矧夫臣之  
所爲盡於厥職者視乎時與地  
而因錯綜其權宜損益之施以  
爲宜民通變之方盡其平日所  
學以達之政事竭盡乎撫蒞地  
方之責豈必使後乎其時與地

者踵之播之廣羅而悉鋟之雖  
然召公笑于棠而歌勿敗志愛  
也況其精誠幹濟之所蘊而達  
於筆舌者棠而鏤之俾共識其  
乘時據地之所為盡分而不懈  
於夙夜者若山攄彼愛棠之歌

不尤昭而永矣乎憶予自雍正  
癸卯奉

命撫湖南去武進 趙恭毅公撫湖

南之日幾二十年矣論公之學  
問博雅深醇淵乎不可測也論  
公之經濟興利除弊澤及斯民

湖南至今猶歌思之不忘也歷  
視地方規模猶凜凜乎其章程  
不少變也今予量移安徽而湖  
南掾吏薈萃公之奏疏咨檄讞  
誥等文梓而成書不憚走數千  
里捧乞予言以爲弁賢哉趙

公其忠誠之發於才宣於政而  
孚於人也固如是哉卽掾之觀  
而感感而弗諼至於殫精竭貲  
以播其所自為盡者而使天下  
後世咸共識之也蓋亦不易得  
者矣予慕 趙公之為臣無忝

於厥職嘉此掾之感德歷久而  
不忘而更能善實其所為感也  
是以序而畀之

雍正七年歲次己酉孟秋月廣  
川魏廷珍序於安慶之課忠  
堂



武進趙恭毅公自治官書序  
凡天下志操於已極困約而不  
以爲苦事施於人極峭直而不  
以爲怨嗜好取與違衆獨行而  
天下不疑其欺且矯者直而已  
矣余自爲諸生卽耳熟

武進趙公名卽恭毅公也公以  
清望勁節著聲中外垂四十年  
至今不衰居常私心偉之以爲  
賢士大夫平生讀書慕道義誠  
欲捫心自安仰酬知己答

聖朝以希古人其操節勵行不當如

是耶其後余官京師公方  
以大司農綜

國計每於質明入署據堂皇坐以  
待諸司檢閱案牘常一目下數  
十行中間點畫訛謬或出筆誤  
或猾吏舞文爲作奸地無毫髮

可幸脫者指劃口詰雖老蠹莫  
能展一辯不怒而威一時積弊  
霜清矣余治事不隸公屬而  
徃徃得之同官朝會所歎慕者  
甚原委悉又時時從

闕下望

公風神嶽立舉

朝憚敬如神明於是乃歎公之剛而不厲信非至誠無以得此於人人也獨憾未得一讀公書全窺其中藏耳雍正丁未余始以部曹出守六安已酉夏有何君岱奔者湖南撫院舊從事也

攜其所刊 公自治官書二十  
餘卷來皖因從乞得一帙快讀  
之乃得於二十卷中見其提綱  
振目洋洋灑灑數萬言凡所爲  
操志之苦待人之直遇物之不  
欺不矯者刻肝露膽如共面談

蓋反覆數四而益歎其非名非  
譽率性直行其剛介孤子之資  
不啻定於命造出於情肯自然  
而然有非是不能一日強活者  
故行之終身無忤無患而卒以  
成千秋之名結

兩朝之知至今婦女兒童如說司馬  
識與不識無少異議豈非以其  
率真而行不假緣飾故其事愈  
傳而愈信耶向非得讀公書有  
以窺其中而要其全亦烏能得  
公之真若此哉嗟夫士君子有



志學道將欲矢志自守求慊於  
已而不以窮達顯晦易其操者  
當於此書遇之矣

雍正歲次己酉仲秋皖江守東  
海徐士林題

趙恭毅公自治官書後序

人必有非常之才與非常之識然後能仔肩大任而有才有識又必精神之足以副之而精神也者非徑行直行也如其然則剛褻耳鹵莽耳未有不敗乃公事者而又非勉強振作也如其然則始也勃焉繼而衰終而竭吾未見艱鉅之克舉而恢恢乎游刃有餘地也必也學以操其源儉以潔其心明以達其體直以養其氣又復敬慎勤謹要諸久而無倦則才益日擴識益日增天下之事皆可自

我爲之而無難以余觀於

恭毅趙公殆其人也湖南自逆藩鴟張豕突之後  
瘡痍未起而又重以無藝之誅求民不堪命也久  
矣

先帝有憂之

命公開府於此敬觀

頒賜勅書湖南之積弊蓋深悉

睿念中也夫貪墨既已成風膏脂莫不告竭何怪乎蚩  
蚩之民作奸而犯科不責其所由來而第曰楚民

難治是以風俗偷薄誣其民抑知未可厚誣乎  
公承

先帝命以剛方清介率僚屬以保釐安戢及黎元如明  
鏡然無物不照如秋霜然無物敢犯一振刷而風  
氣一新一牧寧而景象一變漸摩至於九年而巖  
疆爲化域荒徼爲春臺公誠不負

先帝付託之重而大有造於湖南也且以十連之位百  
城之廣政務叢積幾同烟海其有需於幕中士爲  
之代理其繁劇而不貽譏於闕茸者比比也

公則若章奏若咨移若傳檄條教訟牘爰書以及  
應酬簡劄與祝釐告祭祠墓祝版之藝文要皆一  
一自爲之而不假手於人無不湛深經術動中窾  
要熟諳典則悉協輿情況次第了當暇豫從容若  
行其所無事公餘可息已仍課其孫制舉業中夜  
講究不少休噫異哉才識如是精神又如是

公誠天授也哉

先帝嘉乃績懋乃官晉秩總憲旋拜大司農泰交之隆  
曼乎莫及矣其如去後之思何也湘鄉士民刻其

治績顏曰實政錄然蒐羅未徧頭緒亦雜

潘大中丞幾欲另爲纂輯以成全書會奉

召去茲土遂不果厥後

李大中丞命其椽何子岱葺補輯焉何子殫八年  
之瘁搜討散佚手自鈔寫又爲之分條析縷編次  
大備一繙閱而政教之足爲法程者了然心目至  
其才識精神亦恍乎如接何子之功洵不可沒也  
昔者任掾卒後故吏程威劉固上官崇錄其事行  
及所著書奏之詔下秘書今何子從事

公去後而能黽勉以奏功何子亦賢矣哉因何子  
以泰訂屬余旣竣而書此於簡末竊幸獲從不朽  
之集以附名則亦非偶也合肥後學倪岳題於星  
沙旅舍

嗚呼自古君臣泰交之盛唐虞而降未有如我  
本朝者也 先恭毅公自康熙三十三年由刑部員外  
郎告假在籍杜門督家課絕意仕進蓋已七年庚辰  
特奉

恩綸召見授浙江布政使旋陞本省巡撫調用偏沅在  
楚日久治政益彰大綱小紀靡不畢舉頌聲洋溢海  
內此雖我 恭毅殫忠營職之所為而實以遭逢盛  
世上荷

聖主特達之知所以乘時樹立得抒蘊抱如此我



聖祖仁皇帝德侔天地明並照臨當公之移節偏沅也陞  
辭之時親承

訓旨遠方積困洞悉

聖聰以 公清蘆樸直有擔荷整頓之力諄諄誥誡不

啻再三 公於是刻骨書紳毅然以綏輯瘡痍為已

任夢寐之地彌凜曠瘼然而湖南官吏積弊既深彈  
壓之嚴未免駭人觀聽因而嫌怨迭起疑謗沸騰當  
是時中外大臣彈章入告 公之瀕於危者數矣卒

賴

聖明乾剛獨斷始終保全嗚呼

聖主之賞識如此其至臣子仰答無由宜其厲匪懈之節且愧且懼嘆涓埃之未報未嘗斯須置也夫九年之間撫綏多方不遺餘力凡其心營手畫之勞績具見奏疏文告中當年官舍蕭然從無幕客一應案牘皆隻身辦理笥篋中不留片紙向聞湘鄉士民刊有實政錄猶嫌遺佚頗多有院從事何君諱祖柱者成練達名公卿雅器重之慕義追思苦心搜輯遺稿八年而後大備彙成自治官書釐為二十四卷獨力捐

貲錢板行世刻成造個數承乏臨邑焚香盥手請而  
讀之回憶曩昔業素經營精神之所貫注肝膽之所  
披瀝歷歷如在也潸然出涕曰嗚呼公庶幾不朽  
矣既念公撫楚九年良法美政鑒然畢載然考其  
規模大畧要不出

聖諭勵官方蘇民困一語大哉

主言且是書之成不獨數政寧人足為居官程式即千  
百載下猶得想見

聖祖仁皇帝知人之哲待臣之厚與恭毅遭逢盛世得

殫忠營職之為可幸也雖古所稱唐虞恭交之風曷  
以過焉恭遇我

皇上續承鴻業軫念已故效力舊臣臨御之始即思加  
宮保九原有知又當如何啣結侗懋一介庸愚謬叨  
司牧敢不服膺祖訓勉圖報稱於萬一而普天率土  
荷社稷民人之責者其亦將有感於斯集也夫

雍正五年歲在丁未孟秋望日知湖廣衡州府臨武  
縣事孫男侗百拜盥手謹識

趙恭毅公自治官書類集總目

第一卷

奏疏 四十二年四月至四十二年十二月止

第二卷

奏疏 四十三年正月至四十四年十二月止

第三卷

奏疏 四十四年三月至四十五年十二月止

第四卷

奏疏 四十六年正月至四十六年十二月止

第五卷

奏疏

四十七年正月至四十七年十二月止

第六卷

奏疏

四十八年正月至四十八年十二月止

第七卷

奏疏

四十九年正月至五十年正月止

第八卷

咨文

吏政類

戶政類

禮政類

兵政類

刑政類

工政類

第九卷

告示

吏政類

戶政類

禮政類

兵政類

刑政類

工政類

第十卷

牌檄

吏政類

戶政類

第十一卷



牌檄

戶政類

第十二卷

牌檄

禮政類

兵政類

刑政類

工政類

第十三卷

批詳

吏政類

戶政類

第十四卷

批詳

戶政類

第十五卷

批詳

禮政類

兵政類

刑政類

工政類

第十六卷

獄斷

吏政類

戶政類

禮政類

兵政類

第十七卷

讞斷

刑政類

第十八卷

讞斷

刑政類

第十九卷

讞斷

刑政類

工政類

第二十卷

藝文

祝詞類

序記類

對聯類

去思類

第二十一卷

藥案畧存

浙藩詳文

浙藩牌檄

浙藩告示

浙撫奏疏

戶部奏疏

第二十二卷

彙案畧存

藝文類

呈請類

書啟類

第二十三卷

哀榮錄

湖南崇祀名宦錄

常州府崇祀專祠錄

第二十四卷

行述

跋文

小引

趙恭毅公自治官書卷之一目次

長沙何祖柱蒐輯

奏疏

題報入境疏

調湖南巡撫謝恩疏

恭繳

上諭疏

題王石保毆死楊試奴保招罪疏

士民請謝特頒



四十二年 大計請俟次年舉行疏

題報被災分數請蠲動賑疏

新化彭令縣署失盜刑斃滅口疏

報赴嶽懸匾祝 聖疏

題盜首限滿無獲黃天駟等仍照原擬疏

遵諭撫苗摺

題李老泉與黃氏謀死親夫招罪疏

題覆部駁廖玉太等毆死廖次生等情罪疏

叅巴陵等四縣劣員疏

請封浙省錢塘江神疏

漕項錢糧聽總漕奏銷疏

報撫苗漸有就緒摺

題鍾國士行竊拒捕打死僧引普疏

請於地丁南米內給發勦苗兵餉疏

題報赴荆日期疏

題姚一燒殺首氏等五命招罪并請 旌表烈婦

疏

題鄧奇生打死王文先招吳氏有罪不准留養疏

自治官書

卷一

目次

請補添撫標馬匹疏

四

懷策堂

原缺

趙恭毅公自治官書類集卷之一

奏疏

題報入境疏

四十二年四月

爲恭報微臣入境日期仰祈

席鑒事臣以一介庸愚荷蒙

皇恩轉補偏沅巡撫聞

命之日適臣會審紅苗事竣回至武昌隨具疏恭請

陛見欣逢

聖駕南巡得以趲赴

行在躬家

天誥并念地方緊要令臣速赴新任臣即欽遵於康熙  
四十二年二月三十日 陛辭隨於三月十二日由臣  
籍江南常州府自僱船隻兼程前進今於本年四月十  
六日已抵湖南境之岳州府屬巴陵縣地方隨准護理  
偏沅巡撫印務布政使司布政使施世綸差委長沙府  
同知馬世永臣標中軍遊擊林琦齎送  
欽頒偏沅巡撫關防一顆

王令旗牌八面桿并文卷到臣臣恭設香案望

闕叩頭祇受開印佩捧前赴新任至於未完

欽部案件容臣至駐劄衙門次第料理照例完結外所  
有入境日期理合恭疏

題報伏乞

皇上睿鑒勅部查照施行

調湖南巡撫謝恩疏 四十二年四月

為恭謝

聖恩事伏念臣本豎儒生逢盛世荷蒙  
皇上高厚隆恩破格超擢涓埃未報負疚實深乃敘奉  
恩綸轉補偏沅巡撫臣聞

命之日自量庸材曷當重任隨繕疏恭請

陛見祇求

聖訓又聞

皇上閱視河工臣即星馳行在屢覲

自治官書

卷一

奏疏

湖南撫謝恩

六

陳策堂



天顏叠聆

天語背紳刻骨憂寐不恙更荷

聖恩雅臣便道省墓澤被九泉又

卻灑宸翰賜臣督撫箴綬字綏輯撫安區額龍翔鳳翥  
光騰縹紫之間日麗星輝彩徹雲霞之表豈惟家珍而  
世寶抑且寓目而警心至於湖南積困久悉

聖聰特頒坐名諭旨起剏敏而躋熙恬誠曠世之

恩施幸賜庸夫

帝褒二月三十日 陛辭之節復蒙

皇上諭臣勉力做去欽承

訓誠感激涕零臣雖不才敢不竭其駑駘之力無負  
聖明惟是楚南幅輳遼瀾民苗雜處臣智識淺闇憂深  
隕越惟仰遵

皇上綏輯撫安至意殫心職業圖報

皇恩於萬一耳謹具疏恭謝伏乞

皇上睿鑒施行

題恭繳 上諭疏 四十二年五月

題爲恭繳

上諭事欽惟我

皇上心同天地德邁唐虞萬國咸寧猶屋已饑已溺之  
慮一夫不獲彌深吾胞吾與之懷念湖南之民困難逃  
由陋習之相沿未改乃於微臣

陛辭之日恭奉坐名

諭旨之頒務使力除無藝輸將不苦於追呼庶幾休養  
有餘耕鑿咸安於隴畝誠

聖朝之曠典而再造之隆施也臣蒞任之日卽恭設香

案親捧宣讀一時臣民懽躍咸誦

皇仁至於泣下除謄黃頒發曉示并建造八

聖諭碑亭勒石永行遵守外所有原傾

諭旨理合具疏恭繳伏乞

皇上睿鑒施行

題王石保毆死楊試奴保招罪疏 國十二年六月

爲稟報事該臣看得王石保之毆死楊試奴保也緣康熙三十九年內試奴保之父楊非庸曾借石保銀一兩至四十年計算本利該殺二十一石有餘非庸僅還殺七石餘欠并借用棺木一副俱限十一月完給非庸屍棚無措遂回原籍措辦不意稽遲未返石保趁某月日至非庸家催取財物未歸遂將幼男試奴保帶去爲質有僧林生擔承將試奴保留住莽中待其父歸清還石保於某日復至庵中林生他出竟將試奴保帶至其

案次日令其榜腹砍柴試奴保忍饑難堪投磨覓食石  
保乘醉至庵以拳擊試奴保致命腰眼復棍毆不致命  
額角及致命項頸又脚踢致命腎囊傷重仆地半夜殞  
命歷訊直認不諱雖據供爲狂藥醉迷所致原無必死  
之心俱以幼童而逞勢踢毆不遺餘力正律註所謂其  
人不取與爭而殺之曰故也王石保合依故殺者斬律  
應擬斬監候楊非庸所欠糧本應行追給尾欠息穀免  
其追還餘犯皆釋臣謹具 題伏乞

皇上聖鑒勅下三法司核擬施行

刑部議 查王石保因楊非庸欠穀石棺木未還將  
非庸十五歲之幼男誣奴保帶去爲質不與飯食饑  
餒往庵覓食石保至庵將誣奴保硬強拿去爲質又  
令其榜腹將不能與爭之幼男踢打至死其情慘惡  
該撫所援人不敢與爭而殺之曰故律擬罪甚爲允  
合應如該撫所題合依故殺者斬律應擬斬監候  
大理寺議 查律載曰晝搶奪條內與人鬪毆或勾  
捕罪人因而竊取財物有殺傷者各從故鬪論註云  
其人不敵與爭而殺之曰故與爭而殺之曰鬪等語

王石保因楊非庸欠伊穀石棺木將伊子試奴保帶  
去爲質並非竊奪之事又查律內鬪毆臨時有意欲  
殺曰故等語王石保乘醉毆試奴保仆地以姜湯灌  
救無及至半夜殞命原無欲殺之心王石保合依  
凡鬪毆殺人者不問手足他物金刃並絞監候律應  
擬絞事犯赦前應照例減等僉流折責追埋葬銀  
四十兩給與試奴之家等因奉

旨王石保依擬應斬着監候秋後處決



士民請謝特頒

上諭疏 四十二年七月

爲恭謝

天恩額請代疏以達輿情事該臣看得湖南地瘠民貧  
凋敝已極蒙我

皇上深仁厚澤浹髓淪肌笑笑黎庶得以起溝壑而登  
衽席第因陋習未改積困難甦復蒙

皇上軫念遠方洞燭民隱於微臣

陛辭之時特頒坐名

諭旨嚴飭大小屬員力減加耗盡革私徵湖南百萬生

盛頂戴

聖明恩逾覆載臣蒞任之日卽恭設香案親捧宣讀除  
牒黃刊布勒石永遵外仍剴切曉諭通行司道府州縣  
衛徧貼城鄉市鎮務使官吏軍民土苗人等遠邇周知  
以不負

皇上澄淸吏治愛養民生至意今據各屬士民宋又那  
等執香環集臣署歡呼踴躍萬口同聲僉以離京路遠  
不能匍匐

闕廷叩頭上 謝惟有戶戶焚香家家頂祝

萬壽無疆與天並久公具下情額臣代題臣見輿情感  
激實異尋常不敢進於上聞謹錄原詞恭疏

題達伏乞

皇上睿鑒施行

自治官書

卷一

奏疏

謝特頒上諭

主

懷策堂

四十二年 大計請俟次年舉行疏 四十二年七

月

爲

大計請暫寬期以慎重 鉅典事竊惟三年考績黜陟  
攸關必賢否周知勸懲允協始足以肅官方而澄吏治  
今康熙四十二年正當舉行 大計臣接准部文敢不  
悉心體訪詳加甄別仰副

皇上察吏安民至意但臣於本年四月二十四日到任  
扣至舉行造報之時爲期不過數月督臣喻成龍亦甫

經蒞事而湖南地方遼濶各官之賢不肖一時未能盡  
悉若冒昧舉劾祇圖塞責不惟負我

皇上委任隆恩卽臣問心亦屬抱愧查康熙三十三年  
大計前撫臣董安國因到任未久題請緩至下年補  
行嗣經前督臣吳興復請展限俱准部覆奉

旨俞允在案所有今屆大計臣謹援例題請特懇  
皇上俯念激揚大典理宜詳慎允於康熙四十三年  
六月內奉行庶臣得以從容廉訪不致草率徇名至  
臣蒞任以來稟遵

聖諭戒飭屬員力減加耗盡革私徵如有敗檢溺職頑  
鈍不悛者自應不時糾劾其有恪謹奉公清廉循卓者  
亦卽據實 上聞以示鼓勵臣謹具

題伏乞

皇上睿鑒勅部議覆施行

題報被災疊數請蠲動賑疏 四十二年七月

為旱災情形事。查得長沙府屬之湘潭、攸縣、湘潭、善化、  
樂化、衡州府屬之平江、衡州府屬之衡山、衡陽府屬之  
酃縣等十縣，連被旱災情形。先據布政司詳報，經臣於  
康熙四十二年六月二十日具疏題報。并飭令該司  
委員踏勘果否，成災照例取具冊結彙詳去。後茲據布  
政使施世綸詳稱：除湘潭、善化、平江、衡山五縣勘  
不成災外，查據委員茶陵州知州李某親勘各被災分數  
不等。共被災民屯田地塘三千八百六十二頃零。共應

免民屯條餉銀三千七百八十三兩零共應免南糧正  
耗米四萬九千六百零造具被災輕重都里及應蠲銀  
米細數暨委勘官職名各冊結前來臣覆核無異除將  
冊結分送部科外臣查安化縣地方已勘成災據被災  
之民復罹瘟疫貧病顛連殊堪憫惻請動倉穀賑濟并  
稱被災各縣似應一例動支倉穀賑濟今臣仰體  
皇上愛育黎元之至意隨飭該司照例一面動支倉穀  
轉飭被災各縣查明真正災民按名酌量賑給以免流  
離仍將賑過穀數分別造冊另行送部外所有攸縣等



之逸盜劉三馮二恐緝拿不獲俱刪不報復將七盜身故日期更改捏作四次報病報故明係刑斃滅口希圖完案等因查新化縣知縣彭某官衙失事該縣爲本案事主所獲盜犯李子勲等七名俱係連贓並獲實係真盜真贓其李子勲等七盜既因拒捕俱係烏鎗打傷該縣不俟各盜傷愈輒行嚴刑以致三日之內七盜俱斃復將盜犯原供同夥十四五人并報出逸盜劉三馮二俱刪不報逸盜未獲之贓捏稱已獲明係刑斃滅口希圖完案情弊顯然其典史趙某扶同知縣彭某將刑斃

七盜捏報傷重病故開列各職名請叅前來臣覆核無  
與相應據詳題叅至此案已將刑斃七盜滅口之知  
縣併扶同之典史職名指叅其監斃之處毋庸另叅逸  
盜劉三等仍飭該司勒緝務獲外臣謹會

題伏乞

皇上睿鑒勅部議覆施行

報赴嶽懸匾祝

聖疏

同十二年七月

爲

御書寵錫名山恭報微臣赴衡日期領祈

睿鑒事欽惟我

皇上德隆功盛久道化成

萬壽昌期普天同慶渙頒

恩詔祭告山川南嶽爲

皇上主壽之由特蒙

御書匾額誠曠世之希覩南楚之榮光

自治官書

卷一

奏疏

報懸匾祝聖

手

懷策堂

欽差日講官起居注左春坊左庶子兼翰林院侍讀臣  
宋大業齋捧

御書到日臣隨率同大小文武官員出郭跪迎入城復  
親領閭屬官紳士民齊赴公所恭設香案叩頭瞻仰伏  
覲

天章爛熳函蓋兩儀

宸翰輝煌照耀千古臣民贊誦踴躍懽呼謹即選料遵  
工裝製匾額摹登

御書擇吉敬懸臣欣逢 盛典倍切趨瞻於八月初一

日單騎減從前赴衡山縣同

欽差臣宋大業等懇區祝

聖其敬懇

御匾日期并躬親相地勒石建樓恭奉

御書之處容臣另疏奏聞所有微臣起程日期理合

題報伏乞

皇上睿鑒施行

題盜首限滿無獲黃天驄等仍照原擬

乾隆四十二年七月

爲報明事該臣看得行劫李誠廷等家獲盜關翰芳等

一案經河南撫臣徐 察審具 題部覆將勒死李如

珍之盜犯關翰芳馬德隆皆斬立決梟示黃天驄等亦

應擬斬梟示監候勒緝首盜關四獲日填明正法如逾

限不獲該撫另行題結等因前撫臣金 准咨行司井

咨粵東督撫勒拿去後茲據按察使董廷恩詳稱在於

所屬境內遍緝並無脫逃盜首關四等姓名踪跡出具

印結并奉准粵東督撫咨覆行據所屬查緝亦無關四

等潛藏在境等因詳賁印結前來除結送部外臣查此案於某年月日准到部咨至某年月日一年限滿楚粵兩省嚴加查緝而脫逃盜首關四等遠遁無踪其現監盜犯黃天駟等三十五名業經前撫臣金 河南撫臣徐 先後審明均屬情真今既無盜首質審應否仍照原擬斬梟示衆其未獲盜首關四及夥盜鍾七等仍行嚴緝獲日審究臣謹具 題伏乞  
皇上睿鑒勅部議覆施行

奉

旨黃天駟等俱從寬免死照例減等發與黑龍江新蒲  
州披甲之人爲奴務嚴押解到餘依議



遵諭撫苗捐四十二年七月

爲恭報遵諭撫苗以紓

聖懷事竊照鎮溪隼子紅苗出沒無常乘機剽掠邊民  
屢被侵擾上年李豐等叩

關一案臣等遵

旨發審得實題准部覆奉

旨欽遵在案我

皇上聖德神功函天蓋地威行絕域恩被荒陬而蠢苗  
無知妄動何難發兵撲剿但

自治官書

卷一

奏疏

遵諭撫苗捐

二

懷策堂

皇上至仁如天昆蟲草木猶使並生蠢苗亦有血氣均屬

朝廷赤子臣於本年二月三十日叩辭 行在胷昧陳奏隨蒙

聖明有督撫難道不好招撫之面諭臣欽奉

天語時刻在心第臣衙門例受督臣節制未便自專到任後即移咨總督提鎮諸臣會商而前署督臣年邁齡暑事未久即行送印新督臣喻成龍今甫蒞任隨復咨商妥協即擬親行招撫但紅苗雜處窮山深箐必先遣

卿等抵其巢穴預爲開說觀其動靜乃可相機行事仍  
暨督臣喻成龍臣經會委署辰沅靖道陳永郁隨乘  
議張杜可資臣等草檄併刊刻數百紙前赴懷寧地方  
資令熟讀持赴苗寨宣示

皇上德威余其華心向化如果有就燕質情臣等即親  
到苗境面加慰撫併就近相度情形會疏具題報上請  
聖裁指授善後方畧倘其自絕生機罔知悔悟則當請  
兵合剿殄此苗頑臣等愚見欲仰仗

皇上洪福認真招撫一番不敢掩飾目前再圖故轍而

生苗狡黠情偽難知必須察其真心歸服方敢上

聞庶幾隆重

天威不敢輕率取戾但臣面奉諭旨迄今已歷數月

恐厯

聖懷所有現在撫苗事由併從前遲待督臣會商情節

合先具摺奏聞

題李老泉與黃氏謀死親夫招罪疏 四十二年八

月

爲黨棍姦嫂活活謀死兄命事該臣看得李老泉與黃氏謀死親夫孫勝祥也緣老泉與黃氏對河居處始則調情繼則通姦已二載有餘迨康熙四十一年十月十三日老泉邀黃氏至家飲酒氏以夫醜相告而老泉頓萌謀死之心約黃氏於十六日飲雞血酒氏即定謀至二十六日打狗還愿勸夫勝祥飲醉睡熟老泉於一更時潛至氏門咳嗽爲號黃氏開門授以棒槌老泉直入

臥室向勝祥頭上一擊驚喊一聲將子考奴蹬醒而身  
已醉軟不能舉動老泉復連擎三棒打傷額顙眉叢兩  
額太陽耳根耳竅登時殞命猶恐氣尚未絕復向黃氏  
索繩繫頸用簾捲屍背至糞屋老泉又向黃氏用門扛  
抬至青草周嶺窪空掩埋黃氏居家三月親鄰盤問微  
有敗露遂潛歸伊兄黃受先家欲圖避禍被勝祥之姊  
知覺密囑其子重奴報知堂弟孫雲章携弟孫文生與  
重奴同至受先家內隨帶黃氏歸家沿途盤詰始露謀  
死真情因該縣赴州隨送典史刑訊黃氏從供郭斯美

李君贊與老泉三人同謀而李老泉亦照黃氏供扳以致雲章亦照典史審供具告及該縣初審時老泉與黃氏仍照典史審訊供扳而郭斯美又因仇口咬定畏刑屈認以致該縣據供通報嗣據該州縣覆審郭斯美係仇扳罹法而該司以前後審供互異詳委長沙善化二縣秉公會審該司復加確訊據姦夫姦婦堅供實係仇扳歷審供認無異李老泉黃氏合依妻妾因姦同謀殺死親夫者凌遲處死姦夫處斬律李老泉應處斬監候秋後處決黃氏應凌遲處死郭斯美雖非同謀然先與

黃氏通姦應照例枷號一個月責四十板事在

赦前相應免罪查郭斯美係解役歐德端管之犯並不  
小心看守任其沿街乞食以致潛逃解役歐德應比照  
主守及押解人不覺失囚者一名杖六十律應杖六十  
折責二十板仍行革役郭斯美抗不質訊仍行臬司查  
拿究懲餘犯似應省釋再照此案於本年二月初六日  
始據屍親具告從前並未報官該縣失於不知再初審  
雖誤聽仇拔尚未定擬及成招之日該縣自行審明至  
人命重案該典史擅自准理而該縣回任又不詳揭均



屬違例但事在 赦前聽候部議臣謹具

題伏乞

皇上睿鑒勅下三法司核擬施行

奉

旨黃氏着卽凌遲處死李老泉依擬應斬着監候秋後  
處決餘依議

題覆部駁廖玉太等毆死廖次生等情罪疏 四十

二年八月

爲報明事該臣看得廖玉太等毆死廖次生又打死次  
生胞弟廖明生并伊母舅黃友文一案經護撫臣施

審擬斬絞流杖具 題部覆以黃友文是否廖次生嫡

親母舅未經聲明又廖士臣止照不加功擬罪與律不

符行令再行詳查定擬具奏到日再議等因臣隨檄司

遵照詳查去後茲據按察使董 詳覆前來查廖玉太

毆死廖次生因士臣聞次生一言之忿毆打次生腋肋

自治官書 卷一 奏疏 廖玉太等招 二九 襄陵堂

一拳雖非致命之處其禍實由士臣而起以致觀妹王太木石交加登時殞命但事起一時原非謀故迨廖明生黃友文抬屍至玉太之家而玉太恐其告官遂商於士臣等誣其爲偷牛之賊將明生友文拴綁同牽至雞公營大王廟前繫於大石玉太買囑王大桂用棍打死埋於廟後先後兩審士臣確供不諱是廖士臣先毆次生後又同玉太拴綁明生友文牽至廟前繫於石上王大桂得財受囑用棍打死非可以不下手不加功者論廖士臣令改依謀殺人從而加功者絞律應擬絞監候

至廖次生之嫡親母黨據屍親廖克仁供稱久已死故  
其黃友文原係次生遠房母舅又不同居廖王太王大  
桂應照原擬分別斬絞監候其在逃之廖子勝等俟獲  
日另結理合具 題伏乞

皇上睿鑒勅下三法司核擬施行

奉

旨廖王大依擬應斬王太桂廖士臣依擬應絞俱着監  
候秋後處決餘依議

叅巴陵等四縣劣員疏 四十二年八月

爲特叅貪殘庸劣之員以肅官箴以懲陋習事竊惟民生關乎吏治察吏乃可安民湖南地界遐遠土瘠民貧同遭兵燹凋敝益甚仰賴我

皇上深仁博覆厚澤涵濡億萬號黎得登衽席官斯土者自宜律身廉潔待下寬仁聽斷精詳奉公盡職庶不負聖主軫恤遠方至意臣荷

皇上隆恩轉撫湖南叩辭 行在

諭旨令臣嚴飭大小屬員力減加耗盡革私徵如仍有

自治官書

卷一

奏疏

巴陵等劣員

三

懷策堂

貌法不遵重爲民害者卽據實糾叅從重治罪煌煌  
天語時刻銘表蒞任以來欽遵曉諭自司道以下知縣  
以上首示以

皇上澄清吏治之

聖心再告以微臣受恩深重力圖報稱之愚意諄諄誠  
懇不啻再三仰體

聖慈寬宥已往不敢苛刻吹求與其緣慮洗心滌除錮  
習密行察核除再有劣員確實糾叅外茲查有貪婪敗  
檢橫徵濫刑者誠難一日姑容卽開耳庸劣諸事廢弛

者亦難聽其尸位如巴陵縣知縣李某邵陽縣知縣盧某安仁縣知縣馮某耒陽縣知縣蔡某四員據布政使施世綸按察使卽廷棟驛鹽糧儲道叅議成光分守衡永郴道張仕可護理分守岳常道印務常德府知府王許署衡州府事同知盧承德寶慶府知府董紹舒署岳州府事長沙府知府姜立廣各揭報前來合臣訪聞無異謹臚列劣蹟爲我

皇上陳之 此四員者或收課而額外濫贓借穀賣魚取利或勒派而按里苛斂心紅柴炭私收或民命草菅

用酷刑而無辜速斃或才具庸闇在怠玩而政務全廢  
均難縱居民上賠害地方所當據實糾參請

旨將李某盧某馮某等革職與有名各犯一併提問究  
擬并將蔡某勅部嚴加議處以飭官箴臣謹會

題伏乞

皇上睿鑒施行

謹奏



請封浙省錢塘江神疏 四十二年九月初

爲

聖明百神效靈微臣愚願難隱謹特疏陳明仰祈  
睿鑒事臣仰荷

皇上隆恩轉補偏沅巡撫受事以來欽遵

聖訓察吏安民凡屬員賢否地方利弊現在諮訪次第  
入告何敢越職再言前任之事但臣在浙時實有一  
事關係民生目擊心許不敢壅於上聞者謹爲我

皇上陳之查浙省錢塘江逼近杭城潮汛洶湧最爲險

急康熙四十年臣任浙江藩司每見衝隘堤岸坍塌田  
廬沿江居民幾無寧宇上下馬塘俱難行走日夕焦心  
具詳前撫臣張 繪圖 題請築

俞允部議借支歲修款銀興築臣等復節俸捐貲奏請  
工料委温州同知甘國壘董理其事圯者完之缺者補  
之併築子塘以護塘基乃上年秋汛大潮一日兩至衝  
刷日甚危險堪虞束手惶惶計無所出據士民籲稱江  
神有靈理宜祭禱以興廻瀾又查康熙三十八年八月  
據紹興府嵊縣知縣楊學嗣詳稱據貢監生員李茂先

高克廣等呈稱浙省錢塘江乃萬艘輻輳之會實諸道  
衝要之津上泛下溢進注爭流怒浪狂濤不時作祟早  
潮晚汐一日雙馳捲長堤而碎裂排高岬以傾頽沃壤  
良田半隨雲浪朱門白堊盡逐銀濤誠所謂威激雷霆  
勢亘山嶽者也按惟宋進士陳賢者嶠邑奇人浙東間  
氣生具神通力拯陷溺每潮神之有祭魂輒與其馨香  
凡牲醴之所歆膾即見諸哇吐植竹誓禱立成西岸沙  
堤假寐神遊躬獲中流覆楫厥後淳祐之歲障川迴濶  
寶佑之元逆風殺水尤殊常之跡絕代之奇爰是廷臣

表異宋室褒封由太尉而進靈濟恒膺爵秩之榮轉普  
應而加協惠頻易公侯之等夫何元明代往數百年來  
久邀詔勅之頒僅享春秋之祀然而神威毅魄歷久常  
新每當濟憊揚帆颶驅逢裂急搶呼之一聲頓神明之  
立應宜沿江以爲司命兩岷民尊稱太公者也恭遇  
聖治休明

皇恩廣被及河裔嶽旣懷柔乎百神崇德報勲更優渥  
乎萬古伏祈俯順輿情詳請 題封等情前來據此等  
因通詳在案臣查江神陳賢屢著靈異舊膺封祀似非

荒誕無稽隨即齋戒三日虔設牲醴自撰祝文備告以  
聖天子德隆功盛海晏河清神果有知安瀾效順爲  
朝廷保障生靈自當題請褰封以荅神庥併率司道  
以下官員親赴江干祭告臣復齋心默禱祭甫畢而潮  
已至風狂浪激如排山擁陣而來是時觀者如堵踉蹌  
奔避乃湖距祭所百餘丈即止如有阻遏之者此康熙  
四十一年九月十三日事也杭城大小屬員併築塘員  
役及近塘居民無不目擊嗣後每日潮汐俱不逼塘得  
以及時施工是皆我

皇上愛育萬民懷柔百神之德化所致而江神效靈有  
呼卽應其功似難泯沒臣彼時卽擬題請緣一時恐  
出偶然未敢遽貢

奏聰至十月間奉

命馳赴鎮筵會審旋蒙

恩轉補今任本年二月遇迎

聖駕見浙來諸臣僉云塘外頓起沙洲數里江濤離岸  
甚遠可保無虞是江神既鑒臣一日之誠而不負臣則  
臣何敢自渝前日之約而重負江神是以徵臣叩見

行在郕面奏

聖明茲蒞楚南數月以來每念及此未嘗須臾忘也屈指前事於今已一年矣臣身雖離浙言猶在耳明神難欺臣心難昧不得不貢陳於

君父之前再查臣前任浙江時有前撫臣張某疏請將明季紹興府知府湯紹恩褒封一案奉

旨令臣詳議具奏臣遵查湯紹恩禦災捍患利賴實多懇

恩給封隨蒙

皇上勅賜祠額

欽定靈濟接准部咨欽遵在案竊念湯紹恩以前守建  
甯有功尚且荷邀

天寵况陳賢以江神捍潮顯應自當仰領 恩褒倘蒙

皇上俯念浙省江塘關係民生不以臣言爲荒謬伏祈  
勅下部議併勅浙江撫臣確查題覆將錢塘江神陳賢  
援例給封恩出

聖裁則波臣水吏常邀萬世殊榮而崇功報德共仰千  
秋曠典緣係脩陳始末字多逾格貼黃難盡伏乞



皇上睿鑒全覽施行

自治官書

卷一

奏疏

封錢塘江神

七

表義堂

漕項錢糧聽總漕奏銷疏 四十二年九月

爲詳請援例 奏報以歸畫一事該臣看得民賦錢糧  
例於次年四月臣等衙門 題銷其隨漕銀兩例於隔  
年三月漕臣衙門 題銷此各省歷來之通例也雖湖  
南漕項錢糧因康熙十九年以前將漕項銀米留充本  
省兵餉不得不於次年報銷及至奉文起運仍沿舊例  
於次年五月內隨民賦造冊具詳臣衙門 題銷及准  
部覆則俱云應俟漕項錢糧奏銷之日查核並未置議  
是湖南漕項先於次年臣衙門 奏銷似屬重複據湖

南驛鹽糧儲道成光詳稱授照江西造報之例於隔年  
二月內造冊齎請漕臣題銷仍照造呈齎督臣暨臣  
衙門脩案臣隨咨移湖北撫臣年某查明湖北糧道漕  
項錢糧作何奏銷之處茲准湖北撫臣年某咨稱湖  
北漕項錢糧例於本年七月間徵至次年四月不及一  
年若與民賦一同奏銷則爲期不過九個月輸納未  
必全完官以考成爲急民有追呼之苦所以前漕臣王  
樞先題改隔年爲次年奏銷而漕臣桑某復  
題請照舊改次年爲隔年奏銷已經部覆奉

旨欽遵通行在案今湖南漕項錢糧 奏限漕臣衙門  
已改隔年而臣衙門仍在次年非所以遵

俞旨也且各省俱聽漕臣 題銷而臣衙門獨先行

題銷不特與有漕各省異且與湖北不同一省兩例非  
所以昭畫一也臣請嗣後湖南漕項錢糧悉照湖北各  
省之例統俟漕臣隔年 題銷臣衙門無庸次年先行  
造 奏則事例歸於畫一庶可稍寬輸納之限而併免  
章奏重複之煩矣臣謹會 題伏乞

皇上睿鑒勅部議覆施行

戶部議 嗣後該撫於價運糧儲事造報具題之處  
相應停止交與總漕於次年題報湖南地丁錢糧奏  
銷冊內仍照舊例造報可也奉

旨依議

報撫苗漸有就緒摺 四十二年十月

爲恭報撫苗情形仰慰

聖懷事竊照鎮筸紅苗蠢頑不率理應請兵撲剿臣等  
仰體

皇上好生不殺之心爲先撫後剿之計會委署辰沅靖  
道事銜永彬道叅議張仕可賁檄前往招撫觀其動靜  
已經具摺奏 聞外嗣據叅議張仕可稟稱抵鎮筸時  
沿邊軍民俱喜川兵曉曉其說不一隨諭

聖天子厚澤深仁欲使天下無一物不得其所督撫仰

體

聖心故特委官先來招撫如苗人不肯真心向化自然  
請兵剿滅軍民始肯開悟感頌

皇恩已遣營哨兵弁苗頭把目及本地熟習苗情之人  
分頭入寨賫去曉諭等語又於十月初五日接據該道  
九月二十六日稟帖內開撫諭一事仰使

皇上德威多方開導日內漸有就緒誠心歸順之苗已  
得二十餘寨共各寨頭目入城來見者復面加慰撫莫  
不歡忻踴躍業經剃髮賞以花紅銀牌隨分遣兵弁同

此來歸苗頭入寨與衆苗剃髮併清查戶口脩造冊籍  
但犒賞之費萬不可少軍前應承招諭之人非賞賚不  
足以鼓其氣今遠人既來歸誠絡繹而至非賞賚不足  
以慰其心此項作何動支祈卽賜接濟又卑開已到歸  
順苗寨孤塘猪巢坑萬溶江偏家寨毛穀屯塘寨到陀  
等七處其已願歸順尚未投到者大田羊官冲等共十  
三寨等因臣隨捐買紅紬布共五百八十疋於初十日  
遣員賞發其犒賞暫於就近州縣借支容臣設法補還  
併飭該員速行招撫俟各苗齊心歸順一有定局卽飛



報臣與督臣便當親赴苗地宣示

皇仁相度善後指授方畧如苗寨中仍有執迷不悟者  
自當題請發兵殄此餘孽臣因苗情叵情且招撫未經  
竣事未敢遽爲繕疏題報謹先將撫苗漸有就緒情形  
具摺奏聞

題鍾國士行竊拒捕打死僧引普疏

四十二年十月

題爲呈報事該臣看得鍾國士行竊拒捕毆死僧人引  
普一案緣國士於四十二年四月二十一日自縣回家  
途遇馬子瑞邀往歐瑞台家瑞台以國士之母饑餓相  
告國士無措遂思引普蓄有餘糧商同子瑞瑞台於是  
夜各帶口袋籬筐扁担木棍并挖孔鐵耙齒同往茅莽  
國士挖孔進內揪出穀豆等物子瑞瑞台在外接運國  
士復登樓竊取牛皮墜响驚醒引普出外趕追扯住不  
放子瑞瑞台聞聲先去國士不能脫身將挑担木棍擊

破引普頭顱手足倒地國士起至河邊俵分贓物歸家  
引普於二十八日身死馬子瑞歐瑞台已經病故無庸  
議外但鍾國士行竊毆斃引普已離盜所與臨時有別  
鍾國士合依竊盜事主知覺追逐因而拒捕殺人律斬  
抵不在監候秋後處決竊去豆穀等項照追給主臣謹  
具題伏乞

皇上睿鑒勅下三法司核擬施行再照馬子瑞歐瑞台  
係取供後解至中途病故管獄職名無從開列合併聲

明

奉

青鍾國士依擬應斬着監候秋後處決餘依議

請於地丁南米內給發勦苗兵餉疏 四十二年十

月

爲欽奉 上諭事照得奉 旨招撫紅苗官兵需用糧  
餉臣准部文隨檄該司道會議應動何項錢糧作速預  
脩支給委員支放去後茲據湖南布政使施世綸驛鹽  
糧道奏議成光詳稱脩查上年進征排獍各省會進綠  
旗官兵糧餉俱係各照年額部撥之項支給並未動用  
別項錢糧是今奉 旨着令貴州廣西來楚會勦紅苗  
官兵糧餉應各於本省應給年額部撥餉米項下動支

廢與成例相符至於 欽差大人帶領滿州及荊州甲  
兵應支糧餉等項應於湖廣各州縣本年已徵地丁及  
本年南米內動支以濟軍需仍於事平之後遵照造冊  
詳請報部等因前來臣查官兵需用糧餉既據應於地  
丁南米內動支除飭該司道預備支給外臣謹會  
題伏乞

皇上睿鑒施行

題報赴荆日期疏

四十二年十月

爲恭報微臣起程日期仰祈 睿鑒事欽惟我

皇上至仁如天神功蓋地威行絕域恩被荒陬乃蠶爾  
無知乘間標掠邊民屢被侵擾致塵

宸衷

欽差尚書臣席某等帶領八旗前鋒子母砲位馳驛赴  
竿先撫後勦臣接准部文凜遵

諭旨前往荊州第臣接聞邸抄恭逢

聖駕巡省嵩華豫楚接壤臣以奉

自江寧府志卷一  
青赴荆不獲跪迎中路恭請

聖安區區之誠實難自慰惟有遙望

鑾輿三呼百叩少伸犬馬戀

主之微悃而已理合具題所有微臣起程赴荆日期

相應一併題報伏乞

皇上睿鑒施行再照定例督撫有公務在本省內行走

者不准展限但臣奉

旨隨

欽差帶去難以定期所有臣衙門一切命盜案件若仍



同署親將照案先結合併聲明

題姚一燒殺首氏等五命招罪并請旌表烈婦

疏 四十二年十月

爲慘斃五命號天急寃事看得姚一傭工於黃榮之家  
本年四月間正值農事方殷黃榮先倩尋猪犂工一日  
至二十五日榮命姚一赴尋猪家還工因見尋猪之妻  
首氏即蓄淫心繼於五月初三日姚一將食鹽四兩借  
送詢知尋猪輸該初五夜入厰看牛即於是日傍晚乘  
間投宿其家彼首氏堅拒不畱姚一強宿於堂迨至更  
餘撥開草門入室強姦乃首氏夙具貞心姚一甫經登

床即持刀砍傷左足姚一外走復持刀追至堂屋旋被姚一踢倒奪刀抹脖適有伴宿老婦陳氏驚喊姚一用繩縛在房內復因喊叫姚一遂抹其脖又將首氏大女雙貞及子丁保亦同繩縛幼女毛貞聽其卧床放火焚燒五命俱斃慘毒極矣若非鄉約陳德拱盤查則姚一幾乎漏網歷審本犯供認不諱姚一除強姦未成輕罪不諱外合依殺一家非死罪三人者凌遲處死但姚一係孑然一身並無妻子財產無從議流斷付其黃榮審不知情相應免議惟是首氏以堅貞之操而罹強暴鋒刃

之條節烈可嘉而於蠻鄉匹婦見之尤爲難得所關風  
化人心不小是當據詳 題請仰祈一併

勅部照例

旌表揚貞烈以慰幽魂勵人心而維風化者也臣謹具  
題伏乞

皇上睿鑒勅下三法司核擬施行

刑部議 姚一應卽凌遲處死但姚一旣無財產妻子  
議流斷付之處毋容議其黃榮審不知情亦無容議  
再查婦女強姦不從以致身死者例應旌表今首氏

因強姦不從以致身死者相應照例咨行該撫給銀三十兩聽本家自行建坊可也奉

旨依議

題鄧奇生打死王文先招吳氏有罪不准開贖疏

四十二年十月

爲報明事該臣看得鄧奇生毆死王文先一案素無仇隙緣文先奇生合買小船一隻在河取魚生理值河水泛漲撈有柴二捆放在奇生家至某日奇生赴飲外出文先往取時奇生母吳氏見揀取大捆出而爭阻文先詈罵吳氏卽用口咬其右胳膊文先推仆吳氏倒地適奇生外歸見母被推倒因而辱詈文先遂用頭相撞奇生酒後揮拳擊中文先右脇移時殞命歷審自認不諱

鄧奇生合依凡鬪毆殺人者不問手足他物金刃並絞律擬絞監候吳氏咬傷文先胎膊應照餘人律滿杖年已八旬照律收贖合買之船變價分給至鄧奇生之母吳氏雖係年老家無次丁但吳氏係本案有罪未便將伊子奇生援律 奏請畱養合併聲明臣謹具 題伏乞 皇上睿鑒勅下三法司核擬施行

奉

旨鄧奇生依擬應絞着監候秋後處決凡罪犯存畱養親必其親係無罪可憫之人方可奏准畱養前日有

旨這案吳氏咬傷王文先亦係有罪之人今將鄧奇生  
引存養例奏請殊屬不合着飭行



請補添撫標馬匹疏 四十二年十一月

爲額懇轉詳 題補營馬事看得臣標左右兩營共經  
制馬戰兵一百三十名於康熙三十四年內經前任撫  
臣楊鳳起題請將隨帶健丁頂食本標馬戰兵五十名裁  
去在案現止存戰馬八十匹茲據標下中軍遊擊林琦  
右營遊擊胡璉詳稱援照江西撫標添補營馬之例請  
題補添戰馬三十九匹等因前來臣查楚南雖稱內地  
而臣標實爲援勦之營現存戰馬八十匹似屬不敷今  
既援例請補理合具疏 題請仰懇

皇上俯念營兵必需戰馬准照江西撫標補添之例於  
臣標兩營共添增戰馬三十九匹容各將弁自行捐買  
補足庶軍威壯而援勦有資矣臣謹具

題伏乞

皇上睿鑒勅部議覆施行

兵部議 前任偏撫楊鳳起既已題裁今所請添增  
之處無容議奉

旨依議